

S U P E C C A D O R E

Unu chi girat sas palas a Deu
S'anima de peccados si la imbruttada,
Sa vida de onestu rifiutada,
Forsi certu de aer pius recreu.

Ma geo so cunvintu, a parrer meu,
Fina s s'aba in su riu si li asciuttada
Ei su malu fagher no l'aiutada,
Anzi, si l'idet in cara ch'est reu.

Tando forsi a bezzu sinde imputada
Ch'hat leadu in sa vida bruttu impreu,
E calchi pagu sas ideas mutada.

Sos rimursos li dana grande anneu,
Che fogu ch'est alluttu e non s'istutada
Finas chi lu cunsumit tottu intreu.

Tand'a su peccadore si tramutada
Sas penas pius orrenda, ch'est ispreu
A istar'in s'inferru: logu feu
Ue ogni peccadu penas fruttada

Ed est pro un eternu chi sucuttada
Lagrime, dannadu cale atèu;
Senz'aer mai un'ora de sulleu,
Da una pena s'attera s' buttada;

Invece in chelu han dogni giubileu,
Pro malumore nescinu s'ammutada
In cue son felices tottu a reu.

Si custu dae prima lu valutada,
Su peccadore morit senza neu
E in chelu chin anghelos disputada.

=====

Motto

(S'astore)

C. M. FABRIANO

SARDIGNA

Sardigna, mi ses cara
Ca in te so naschidu,
E ne conosco
Bonidad'e malesa
De ne poder descrier calchi accennu.

Terra ses tue a dogni entu esposta,
Sos rigidos ierros,
Da poi sas sicagnas
Dannifican sos campos coltivados;

A sas tantas traschias,
A su forte intemperiu
Resistit su modeju,
Sa murta, su lidone, s'aliderru.

Sos tuos abitantes,
Chei sa terr'asciuttos,
Nd'istraen sos produtos
Cun fadigas.

Sun bascios de istatura,
Sun brunos de aspettu,
Tales a sa natura 'e sa terra.

Però, est terra, mana
De fijos de alta fama
Ch'han toccad'in onore sas istellas

Terra de un'istoria lontana,
Chi non ricordat mancu s'iscrittura,
Cando fin'abitados sos runaghes
Chin sas domos de janas.

Terra de poesia e de poetas,
Chi faghet piagherè a l'abitare
Pro ne poder cun sensu cuntemplare
Sa vida'e sos pastores,
Sos cantados amores,
Sa costumansa, s'usu, su limbassu,
S'operar'è sos sardos tattugantu;

Motto
(S'astore)

De Pietrinu Crasta su ricattu
A d'ogni sardu onestu hat post'in pena,
Ca sa tragica iscena
Hat conturbadu s'anisu serenu.

Esistit meda sente
Chi non hana risursu
Ne umbra 'e peccadu in sa cussenzia;

E a custos riparu
B'apat senza clemensia,
Torrant'a tempos nostros
D'Hazzurabi sa legg' e su taglione.

Custa sente maligna
S'allargan su dominiu,
Ricattende persones,
Rapinende e furende,
Pro sos dannificados est guai.

Mort'hana Pietrinu. A chie offesu
Hat s'iscuru? A nisciunu
Sequestradu l'hana, tentu e gitu
A u'han sos bannidos designadu.
L'han fat'iscririeta sos de famiglia
De mandar'una motto carrozella
Cun dinari e bidones pro segnale;
L'hana mannada, e ritiradu s'hana
Unu milion'e mesu, e non cuntentos,
L'han dadu morte che cane o colora
Senza dolu ne pena poverinu!

Sos chi gasi l'han fat'a Pietrinu,
Ischinde chie sca'a issos puru
In su matessi muru
Cheran similmente lapidados.

Motto
(S'astore)